

李文忠公全書

奏稿



李文忠公奏稿

卷之五十八目錄

潘曾瑋請專祠片

光緒十二年九月初四日

伍廷芳等仍請給獎片

光緒十二年九月初四日

哈孫克賴乏請給寶星片

光緒十二年九月初四日

奏調沈保靖片

光緒十二年九月二十六日

奏留宋慶片

光緒十二年九月二十六日

覆奏李成釐等獎案片

光緒十二年九月二十六日

蠶池教堂完案摺

光緒十二年十一月初二日
附來函並在復照會

海防經費報銷摺

光緒十二年十一月初四日
附清單

營口礮臺工費片

光緒十二年十一月初四日

停引展限復額摺

光緒十二年十一月初四日

奏稿五十八目錄

嚴信厚郭澍滋獎敘片

光緒十二年十一月初四日

豫岸加價免增摺

光緒十二年十一月初四日

機器局報銷摺

光緒十二年十一月二十日

藩庫勻撥鎗價片

光緒十二年十一月二十日

海防用款清單摺

光緒十二年十二月初三日

船塢酌定工價片

光緒十二年十二月初三日

旅順電綫片

光緒十二年十二月初三日

蠶池教堂獎敘片

光緒十二年十二月初三日

淮軍軍需報銷摺

光緒十二年十二月十六日

軍需交涉洋務片

光緒十二年十二月十六日

淮軍水師報銷片

光緒十二年十二月十六日

冬賑銀米數目片

光緒十二年十二月十六日



李文忠公奏稿卷五十八

全集一之五十八

桐城吳汝綸編錄

潘會璋請專祠片

光緒十二年九月初四日

再據江蘇紳士前浙江甯紹台道顧文彬等聯名呈稱已故吳縣紳士布政使銜記名道潘會璋器識宏通勇於任事咸豐四年由刑部郎中丁憂回籍奉

旨幫辦團練時蘇垣有潮勇千百人劫殺爲亂遂率所部練勇勦捕解散地方賴以安謐八年會克瓜洲鎮江嗣以金陵大營師潰難民猝至奉派督辦撫恤全活二萬餘人服闋仍補郎中十年蘇常淪陷復奉

旨馳抵上海幫辦團練時粵逆麇集浦東滬城岌岌不可終日會西人願助順而論者慮洋情叵測該故紳力排眾議於上海創設

奏稿五十八

會防局以扼賊氛同治元年航海入都謁王大臣劄陳勦賊之策據情轉奏奉有撫臣會同紳士商辦藉挽大局之

諭又與眾紳馳書故大學士曾國藩乞援雇備輪舟迎臣統兵東下隨同轉戰松滬會克蘇垣並籌辦餉捐至百數十萬兩屢中久困重賦該故紳與馮桂芬創議請減條具章程經臣核定入告得邀

俞允民困始蘇當蘇城甫克時洋將戈登與提督程學啟構釁招僞納王郅雲官養子郅勝鑣與同居經臣派往慷慨撫諭戈登感泣知悔旋委辦蘇省善後事宜及中外交涉要件無不任勞任怨井井有條金陵克復後各營欠餉甚巨復合力籌解數十萬兩俾得資遣營勇帖然歸里計其生平事蹟實屬有裨軍國而桑梓尤蒙惠不淺以積勞致病在籍養疴未竟其用於上年十二月間

病故該紳顧文彬等合詞呈請捐建專祠以資報享並准兩江督
臣曾國荃緘請會奏前來臣查該故紳潘曾瑋於平吳之役始終
其事功績甚多其最著者則在上海創設會防局維時賊氛環逼
非中外合防滬城將不可保臣雖統兵東下而無立足之地不能
節節進攻數百萬餉需亦無自而出至蘇州甫克洋將戈登與程
學啟構費揚言助賊若非該故紳調和無諭幾挾其軍以為變是
皆關乎兵事得失地方安危之大者若議減賦以與民更始尤為
公家經久之規萬姓永遠之利查自軍興以後有功桑梓諸臣皆
蒙

恩准於原籍建祠近年各省奏請亦均邀

俞允該故紳曾疊次奉

旨幫辦團練協同官軍殺賊克城運籌決策保全桑梓厥功甚偉

奏稿五十八

二

臣與共患難知之較詳今據紳士聯名籲請未忍聽其湮沒合無
仰懇

天恩俯准將已故布政使銜記名道潘曾瑋在原籍捐建專祠以
彰蓋績而順輿情出自逾格

隆施理合會同兩江督臣曾國荃附片具陳伏乞

聖鑒訓示施行謹

奏

伍廷芳等仍請給獎片

光緒十二年九月初四日

再前因天津隨辦通商洋務委員又逾二年當將認真出力之候選道伍廷芳等九員照章奏請給獎聲明洋稅人員業經剔除奉旨著照所請欽遵在案旋經吏部覆稱部定嚴核保舉章程各關洋稅等項事務均屬應辦之件一概不准保獎前山海等關辦理洋稅請獎各案歷經奏駁此次請將伍廷芳等九員給獎仍應奏明更正等因臣查部定嚴核保舉章程內開各軍調遣之文員洋務差委之局員均先咨部立案不咨者不入保外省釐金牙帖鹽局各關洋稅等項事務均屬應辦之件一概不准保獎等語是洋務差委局員仍准列保各關洋稅人員不准列保界限本自分明臣此次係將洋務出力人員照章請獎並先咨部立案其辦理洋稅人員已於原摺內聲明剔除實與部章相符今吏部將洋務

奏稿五十八

三

人員指為洋稅亦不准其保獎似與定章兩歧況天津為各口總匯洋務本多棘手近來各國交涉日繁非他關之僅辦稅務者可比該員等遇事勦籌任勞任怨歷時既久著有勤勞若尋常照章獎敘靳而不予與僅辦稅務者無所區別殊不足以示鼓舞而昭平允所有原保之候選道伍廷芳等九員實係洋務出力人員照嚴核保舉章程應准列保並非稅務人員相應仰懇

天恩俯准敕部仍遵原奉

俞旨給獎註冊以符定章理合附片具陳伏乞

聖鑒訓示謹

奏

哈孫克賴乏請給寶星片

光緒十二年九月初四日

再德國副將哈孫克賴乏諳習魚雷事宜光緒八年向其海部商借來華飭赴威海魚雷營教習該洋員熟精魚雷祕要操練有法紀律嚴明並將一切口令編成中國語言俾弁兵易於明曉洵屬課導認真嗣因中法有事經德海部調令回國總理雷營現在旅順營廠規模皆其口授指畫弁兵得資循守實於海防軍政有裨自應量予獎勵查該洋員係德國武職大員向充魚雷總教習照總理衙門奏定章程應給二等第三寶星合無仰懇

天恩俯准將哈孫克賴乏
賞給二等第三寶星以昭激勸如蒙

俞允並請

敕由總理衙門頒發照會德國駐京公使巴蘭德轉行知照理合

奏稿五十八

四

附片具陳伏乞

聖鑒訓示謹

奏

奏調沈保靖片

光緒十二年九月二十六日

再北洋籌辦海防創練海軍及一切交涉事件頭緒繁多需才甚亟查有降調福建布政使沈保靖自同治元年隨臣上海軍營至十一年始行離營赴九江關道之任該員心地質直操履廉介辦事認真能任勞任怨官江西福建均有政聲軍事洋務歷練亦久堪資指臂之助擬請

旨准將沈保靖留於北洋差遣可期得力理合附片具陳伏乞

奏

聖鑒訓示謹

奏留宋慶片

光緒十二年九月二十六日

再四川提督宋慶所統毅軍馬步各營分駐旅順金州等處操防向稱得力茲據該提督以從前積受暑溼遂成痼疾近復感觸海瘴又增氣虛下陷等症請轉奏

賞假兩月回籍調理等因臣查宋慶忠勇夙著紀律嚴明出征多年屢當大敵積勞致疾殊堪敬憫上年法越事定卽有回籍醫治之請經臣一再勉強今復以宿恙驟增乞暫還里惟旅順爲非洋門戶拱衛近畿防務最關重要近雖海波無警而操練戒備不可一日或疏宋慶老於戎行所部又皆勁旅非得威信素孚之將未足以資督率應懇

天恩賞假兩月在營調理俾資坐鎮伏乞

聖鑒訓示謹附片具

奏

奏稿五十八

六

覆奏李成鼇等獎案片

光緒十二年九月二十六日

再遵保派往朝鮮防護定亂出力人員請獎一案前已欽奉諭旨允准內有吏部議駁及行查各員復經臣查明附奏嗣准部咨除核准更正各員不計外將知府用安徽候補直隸州知州李成鼇江蘇候補縣丞徐國楨吳子瑞陝西試用縣丞李應畹江蘇試用從九品吳朝彥候補國子監典簿吳景鴻山東補用知縣嚴道洪等七員按照奏定嚴核保舉章程既係各有省分未先咨部立案不准列保議駁又分省補用鹽大使紀堪籠分省補用鹽知事解茂承等二員按照鹽務官員應歸鹽務差委如因地方勞績不准請獎章程議駁知照前來臣查嚴核保舉章程係光緒九年六月奏定通行所稱各軍調遣之文員須先咨部係指原未在營者而言又有省分人員不准在他省列保係指已經到省者而言

奏稿五十八

七

其本在軍營並未到省者自不在嚴核之列今李成鼇徐國楨自同治年間即在淮軍營內出力李應畹嚴道洪自光緒初年入營迄今均未離營到省且於光緒八年七月隨隊馳赴朝鮮定亂核計勞績在先新章在後無從預先咨部紀堪籠解茂承亦於光緒初年入營並未離營到省原定鹽務人員不得以地方勞績請獎係恐侵越地方差事起見今係海外軍務向不論何項人員均准立功保獎曾有鹽運判陳鏡等已經部核准實與地方差事無涉該六員從征朝鮮數載兩次定亂親臨行陣異常出力較之出洋隨員僅辦交涉文案等事其勞績有過之無不及也除已經到省之吳子瑞吳朝彥及京員吳景鴻等三員均照部議刪除外李成鼇等六員若不予以獎勵殊屬向隅相應再行聲明並開清單仰

懇

天恩敕部仍遵前奉
俞旨給獎註冊以昭激勸理合附片具陳伏乞
聖鑒訓示謹
奏

奏稿五十八

八

蠶池教堂完案摺

光緒十二年十一月初二日

奏為蠶池口教堂遷移經教皇及教會議准續經臣與駐京法使商定互送照會完案恭摺仰祈

聖鑒事竊本年四月間臣飭北堂教士樊國樑訂立合同五條擬將該教堂移建西什庫地方奏奉

批旨現議辦法尙屬周妥均著照所請行等因欽此樊教士赴羅馬後法國正因教皇遣使來華大相齟齬教皇以京內各堂係巴黎教會產業允飭該會將北堂移讓但云亦須商知法國八月間駐津法領事林椿疊次來署面稱奉法廷電諭咸豐十年續增條約第六款聲明天主堂學堂等件應賠還法國駐京大臣轉交該處奉教之人北堂既先由法使轉交必須法國准行非羅馬所能專主臣謂前與該使戈可登議明俟羅馬允定中國當予以禮貌

奏稿五十八

九

知照駐京公使再奏明請

旨以全兩國交誼林椿因將此語轉電法國去後嗣接敦約翰羅馬來電法廷致教皇哀的美敦書言羅馬若派全權公使赴華管理教務卽將法羅原訂條約撤毀並將巴黎教會每年薪俸五千萬佛郎概停不發各教士恐絕生路環求教皇暫遣使是羅馬派使一層祇可暫置不論樊教士來電稱巴黎教會總辦已允准所訂合同惟法廷必要經手若中國不照法國所願辦理我教會正屬難堪請准回華設法辦了此事十月十六日樊教士抵津來謁呈出巴黎教會費雅德印函情詞甚為恭順惟內云乾隆四十七年教皇傳知法國將北堂給與本會咸豐十一年中國又將北堂轉交法國付給本會法國兩次經手求設法使各教士享平靜之益不致月起風波等語樊教士復再三求臣與法使商議以全

法國體面林椿初傳法使恭思當之語頗欲藉端要挾臣力與駁斥如該使不允我

國家卽照教皇教會遵允之據自行酌辦林椿轉致恭思當勸其勿庸阻難致傷和誼請臣將此事原委敘一照會送給法使頃接該使照覆內稱法國無不依照

大皇帝之意辦理並無阻滯遷讓之處措語亦頗得體此事遂已定局謹照鈔巴黎教會總統費雅德來函並臣與法使恭思當往復照會恭呈

御覽合無仰懇

聖恩俯准該教士合同所請明降

諭旨褒嘉法國使臣及羅馬教會恭順之忱俾遠人咸知觀感至該教會函稱瑣事三條內原允銀兩不敷可否俯賜補助當向樊

奏稿五十八

十

教士德瑾琳等指駁據稱此是過慮之語日後絕不求增臣諭以銀數不減亦斷不准添至西什庫請留通車之路臣查步軍統領劃給西什庫南邊之地作爲遷蓋教堂之所據德瑾琳詢樊教士云較蠶池口原地稍狹並該處能否通車街南是否有小廟礙其出進擬飭原訂合同之德瑾琳赴京偕同該教士前往詳細踏勘由該稅司稟商總理衙門酌奪辦理至購買建堂料物應准照各國洋人運物之例由臣繕給護照行知各關驗放以示體恤至天津三汊河教堂係望海寺舊址同治九年被津民焚燬僅存高樓一角有礙觀瞻會飭樊教士轉商教會拆讓茲允我改建兵丁養病院善堂容再督同地方官籌辦至原合同訂明付西什庫地方時付給銀三分之一現既定議卽須給地付銀臣與林椿等議明查照舊案由天津稅務司經手分次付給計第一次應付庫平銀

十二萬兩可否

敕下海軍衙門於各省捐款內籌撥由臣派員領回交關轉付嗣後過六箇月付給一次照案辦理所有正堂遷移定議各緣由除分咨總理海軍衙門總理各國事務衙門查照外謹繕摺由驛馳陳伏乞

皇太后

皇上聖鑒訓示謹

奏

謹照鈔巴黎教會總統來函並與法使恭思當往復照會恭
呈

御覽

照譯巴黎天主增爵會及仁愛會總統費雅德來函

敬肅者竊維一百餘年本會在中國北京居住渥荷

大清

列聖憐覆優加保護

恩賜地方並賞珍物近今二十五年間本會在京復建教堂得享

平順無非仰蒙

大皇帝天恩中堂福庇及各大臣一視同仁獲此安便理合奉書

申謝並求奏陳

皇太后

奏稿五十八

十一

大皇帝聲明本會感激愛戴之忱各教士在華一切仍仰

朝廷恩周無外嗣後永荷保全頃悉

國家欲展拓宮址需用非堂地方中堂命德稅司商同本會焚教

士函達教皇及本總統查核辦理教皇允諾卽知照本會將非堂

地方奉讓本會因感

皇太后

大皇帝深仁厚澤愛育無遺能不激發天眞圖報萬一是以本會

按照焚教士來稟全行遵照祇候施行惟以仰承垂愛尙有瑣事

一並奉陳

一承允發給月造非堂銀兩爲數不爲不鉅但工程甚多有餘不

足未能逆料儻或稍有不敷可否俯賜補助

二查京城地圖西什庫街南頭有小廟一座正值街口車輛出進

殊為不便不識可將該廟挪於別處否儻不能移擬請設法另闢一運車之路

三修葺新堂凡購買一切料物須得護照庶利遘行此項總護照擬請俯賜發給以上三事已與樊教士辦事之權尙祈諭令該教士祇遵為荷

再查一千七百八十三年卽乾隆四十七年教皇傳知法國將北堂給與本會迨一千八百六十一年卽咸豐十一年中國又將北堂轉交法國付給本會是以法國以為兩次經手可以過問本會奉中堂鈞諭祇知報稱未敢瞻顧想中堂明察秋毫當蒙鑒此衷曲定必設法使本會各教士等享平靜之益決不致另起風波也再側聞中堂現辦中西書院廣開風氣殊深欽佩此後如需泰西一切有益學業本會教士中不乏明敏之材如荷錄用無不樂從

奏稿五十八

十一

又據樊教士聲稱天津節署之東舊河樓一座中堂曾諭及有礙觀瞻本會亦不願留此贖迹若一千八百七十年卽同治元年我中堂在津決不致有此事為今之計貴處整頓海軍軍容甚壯若就其地建造兵丁醫養病院則事益美備旣可化無用為有用變疹厲為和祥已諭令該教士稟承訓示當可代為效力總之本會深知

朝廷仁恩普被中堂慈惠及人辦事公平遠人感戴此後無論何事罔弗可商尙祈鑒察專肅鳴謝敬頌爵祺

西九月十五日卽中八月十八日巴黎斯

發府

給法國使臣恭思當照會

為照會事照得本大臣前奉

朝廷諭旨派人赴羅馬教皇商量教務並京內北堂遷讓之事現

聆悉教皇既停派公使來華此事自無庸再議至於北堂移建一節雖經教皇已允惟稱應向貴國商明查現在中國欲將

宮禁地方開闢而非堂切近

園庭有礙擴充本大臣請煩貴大臣奏明貴國請將北堂遷讓現在兩國和好日篤中國所需甚盼允行因查咸豐十年條約第六款各處教堂應賠還交法國駐京大臣轉交該處奉教之人等語應請貴大臣轉飭北堂主教遵照樊教士原訂條款將北堂遷讓移建京城內西什庫所擇地方俾兩國友誼更昭親密貴大臣和協邦交益顯明恭敬我

大皇帝之意實所欣盼爲此照會貴大臣請煩查照見覆施行計
二十七日

法國使臣恭思當照覆

奏稿五十八

十四

爲照會事照得十月二十七日接准貴大臣文稱現在中國欲將宮禁地方開闢而非堂切近

園庭有礙擴充請煩奏明貴國請將北堂遷讓等因本大臣刻卽將來文傳電至我國外務部矣因在我國於此件無不依照貴國大皇帝之意辦理本大臣想此事我國並無阻滯遷讓之處本大臣始終深切相助貴中堂奉

命之件有成且來文情語殷殷甚屬感激本大臣深悉如此照辦以後我兩國日親鞏固和好愈敦皆我國及本大臣之由衷默願也須至照會者
十月三日

海防經費報銷摺

光緒十二年十一月初四日

奏為北洋海防經費光緒七八年收支各款分造戶兵工三部清冊並開清單報銷仰祈

聖鑒事竊北洋海防用款前經總理衙門會同戶部奏明由督辦大臣咨報總理衙門戶部查核嗣於光緒九年八月准戶部咨應三部分辦飭據海防支應局司道將光緒元年起至六年底止收支各款另造三部銷冊並開清單奏咨復於十一十二等年疊准三部行查均經依次查覆業准戶工兩部將各款准銷其歸兵部各款除已准銷外尙有未經核覆者惟七八兩年銷案勢難久待自應飭局接續造報茲據該局司道詳稱光緒七八兩年支款前於九年二月遵照新章先行列冊詳咨立案旋奉戶工部簽查遵即按款登覆又奉戶部將應銷各款及洋員支款分別駁查茲

奏稿五十八

五

按駁查各款內有前案已准開支毋庸再議者有業經補行奏明在案者有與前案情事相同者有應劃歸兵部核銷者均於造辦銷冊內逐款分晰聲敘此外戶部立案冊內原造閩廠墊給出洋監造鐵甲員弁匠徒薪水行裝銀七千三兩零兵部立案冊內原造閩廠墊給出洋監造鐵甲員弁匠徒船價電資並游擊劉步蟾等薪水船價及匯寄鐵甲船款估工駁力共銀一萬七千五百五兩零係應歸鐵甲船款內開支已如數提還北洋防費歸入船款另案造報又工部立案冊內原造山海關甯海城地方修築礮臺等工銀二萬九千一百三十四兩五錢已由天津釐金項下提還造入九年分釐金案內奉工部准銷在案以上三款均於造辦銷冊內分別剔除計光緒七八兩年分舊管項下原存銀一百五萬四千三百兩零又收回上案奉戶兵部刪除柴草礮費公費馬價

等銀一千七十四兩零共存銀一百五萬五千三百七十五兩零
新收項下各省關解到釐稅銀二百二十萬一百八十五兩零又
各處解還墊款及軍火價銀七萬三千七十七兩零共收銀二百
二十七萬三千二百六十三兩零開除項下應歸戶部核銷銀十
八萬二千八百二十五兩零應歸兵部核銷銀五十二萬七千七
百四十四兩零應歸工部核銷銀九十一萬九千六百六兩零共
開除銀一百六十三萬一百七十六兩零應存銀一百六十九萬
八千四百六十二兩零已接支九年以後用項循案造具三部分
銷細冊收支四柱總冊開具款目清單詳請奏咨核銷前來臣查
北洋籌辦海防造端宏大事屬創始一切支款誠如戶部前奏均
無專例專案可循且多與洋人交涉實非他項軍需章程所可比
擬然購一物製一器用一人必再三詳詢審察爲必不可少者而

奏稿五十八

共

後定議其價值等項尤必諮訪比核務求節省員弁薪糧則視差
事之繁簡爲等差不使濫支糜費茲查造七八兩年各款仍係實
用實銷並無浮冒除各冊分送三部外理合恭摺具陳並開簡明
清單恭呈

御覽伏乞

皇太后

皇上聖鑒謹

奏

謹將北洋海防自光緒七年正月日起至八年十二月底止收支款目繕列清單恭呈

御覽

舊管項下

一光緒六年底截存銀一百五萬四千三百兩八錢七分二釐七毫三絲一忽一微

一收回光緒元年至六年銷案內戶部刪除柴草及更正礮費共銀二百四十五兩二錢八分九釐二毫九絲四忽四微

一收回光緒元年至六年銷案內兵部刪除公費馬價共銀八百二十九兩六錢五分一釐一毫九絲五忽六微

以上共存銀一百五萬五千三百七十五兩八錢一分三釐二毫二絲一忽一微

奏稿五十八

七

新收項下

一收江西省釐金銀十五萬兩

一收浙江省釐金銀二十一萬兩

一收江蘇省釐金銀十四萬五千兩

一收湖北省釐金銀二十萬兩

一收浙海關洋稅局稅銀二十四萬三千四十八兩六錢三分二釐

釐

一收江海關洋稅局稅銀六十四萬八千六百七十五兩八錢八

分四釐八絲六忽五微

一收閩海關洋稅局稅銀二十二萬六千八百三十九兩三錢二

分七釐一毫

一收粵海關洋稅局稅銀三十一萬八千五百四十八兩二錢三

分四釐六毫

一收山海關洋稅局稅銀五萬八千七百三十三兩八錢一分四釐二毫七絲二忽五微

一收河南省解還宋運賑米墊用北洋防費銀四萬兩

一收由部領回扣存吉林軍火價內應還北洋防費購辦鉛丸皮紙價銀六千一百五兩八錢七分七釐五毫

一收河南省解還毅軍領用北洋防費購辦鉛丸皮紙價銀一千二百八十二兩三錢二分七釐五絲三忽

一收山東省解還墊發鎮中鎮邊兩蚊船經費銀一萬二千二百三十二兩六錢一分三釐

一收江海關劃撥肄業局用贖經費並什物變價應歸還動撥北洋防費原款銀一萬六百七十三兩一錢八分四毫八絲

奏稿五十八

文

一收長蘆運庫劃解奉省欠餉撥抵奉省應還北洋軍火價銀二千七百八十三兩三錢六分九釐

以上共收銀二百二十七萬三千二百六十三兩二錢五分九釐九絲二忽

開除薪糧及雜支項下

一隨辦海防前雲南巡撫潘鼎新公費銀二千三百六十兩馬步隊薪糧柴草銀九千四百八十九兩八錢七分六釐

一前船政大臣吳贊誠薪夫銀五百八十六兩六錢六分六釐八毫

一直隸提督李長樂小隊員弁薪糧並武毅軍礮費銀一萬六千四百七十九兩九錢三分一釐

一總兵葉志超所部礮費馬乾銀三千四百三十二兩六錢一分

五釐

一守備張曙德所部礮費馬乾銀一千一百七十九兩

一水師營務處道員許鈐身薪夫銀一千八十三兩三錢三分三釐同知羅豐祿薪夫銀一千八百七十三兩三錢三分三釐六毫

繙譯官汪喬年薪水銀四百七十二兩

一督操礮船游擊劉步蟾薪水銀一千七百六兩六錢六分六釐一毫

一礮船公所司事夫役薪費銀七百四十八兩八錢五分三釐七毫

一隨辦洋務知縣陸爾發薪夫銀五百四十一兩六錢六分六釐五毫

一鎗礮隊教習薪水銀一千七百兩三分二釐六毫

奏稿五十八

九

一登榮水師艇船薪糧公費銀一萬五千九百三十四兩六分六釐八毫

一辦水師營務洋員明亞薪水銀一萬二千兩

一水師學堂總教習洋員高文薪水川資銀一萬八百三十八兩七錢九分

一辦旅順口礮臺洋員漢納根薪水馬乾川資銀六千七百十五兩

一總兵吳育仁所部礮費銀二百九十三兩九錢九分八釐六毫

一辦水師船塢並營務處道員馬建忠薪夫公費銀四千三百八十六兩六錢六分六釐八毫守備羅臻祿薪夫銀一千十三兩三錢三分三釐二毫

一辦水師學堂練船事宜道員吳仲翔薪夫銀二千八百二十兩

九錢九分九釐四毫

一製造局知府徐建寅薪水銀四百八十一兩六錢六分六釐五毫

一大沽水雷營官弁兵勇薪糧油燭柴草銀一萬九千一百八十一兩一錢八分一毫教習洋員滿栗士薪水水房租藥費川資艙位

游歷電報等費銀八千五百四十四兩七錢三分五釐三毫

一大沽水雷學堂教習學生脩金養贍飯食銀九百六十四兩

一水陸各營洋號總教習洋員畢格理薪水川資銀一千五百七十兩

一練軍營教習洋員瑞乃爾薪水銀四千八百兩

一出洋學習武弁王得勝由滬回津川資銀四十一兩五分八釐

四毫

奏稿五十八

三

一武弁巫炳修出洋川資薪水銀一千二百兩

一水師管輪兩學堂用費銀三萬一千四百七十七兩二錢

一水師統領提督丁汝昌薪夫辦工銀六千四百三兩三錢三分

三釐三毫隨帶文武員弁司事繙譯兵夫薪糧銀二千一百十九兩三錢八分六釐五毫

一水師試用學生薪水銀一千九百九十九兩三分二釐

一挖海機器船配設管機器人等辛工銀一千八百五兩三錢六

分六釐八毫洋員勒威薪水盤費銀一千二百六十六兩三錢四

分三釐七毫

一魚雷輪艇兩號配設管駕人等薪糧紙張油燭銀一千六百十

九兩一錢三分三釐二毫洋教習區世泰等二員薪俸伙食盤費

等項銀三千五百七十三兩五錢九分八釐九毫三絲六忽

一監造水師練船洋員法樂薪飯銀一百二十七兩一錢三分三釐七毫

以上各款應歸戶部核銷

開除養船及運保費項下

一鎮北礮船薪糧公費藥資銀二萬三千六百七十五兩五錢六分五釐八毫

一鎮南礮船薪糧公費藥資銀二萬三千二百三十二兩一錢六分五釐八毫

一鎮東礮船薪糧公費藥資銀二萬三千六百七十五兩五錢六分五釐八毫

一鎮西礮船薪糧公費藥資銀二萬三千二百三十二兩一錢六分五釐八毫

一鎮中礮船薪糧公費藥資銀一萬七千二百九十四兩四錢六分五釐八毫

一鎮邊礮船薪糧公費藥資銀一萬六千九百六十七兩六錢六分五釐八毫

一超勇快船薪糧公費銀三萬九千七百七兩五錢六分六釐一毫

一揚威快船薪糧公費銀四萬一千四百五兩七錢三分二釐六毫

一威遠練船薪糧公費銀四萬六千八百二十五兩九錢四分九釐六毫

一水師總查洋員琅威理薪俸房飯銀二千四百兩隨帶洋員愛

斯德飯食銀二百三兩四錢一分四釐

奏稿五十八

三

一六鎮礮船總教習洋員葛雷森薪水銀三千六百三十六兩二分五釐一毫

一鎮北等四船教習洋員吉必勳薪水銀四千七百九十兩四錢哥嘉薪水銀三千三百五十六兩三錢三分一釐李福薪水銀一千四百十三兩七錢二分七釐三毫

一鎮中等兩船教習洋員必第薪水川資銀四百九十兩七錢六分九釐八毫印都薪水川資銀四百九十兩七錢六分九釐八毫

一水雷輪艇管駕人等薪糧公費銀二千一百八兩七錢九分九釐七毫

一守雷下雷小輪船兩號管駕人等薪糧銀六千一百七十二兩四錢六分六釐二毫

一水師樂童口糧雜費銀九百六十二兩二錢六分六釐七毫

一鎮西礮船伙夫陳坦卹賞銀十五兩

一購買那登費鋼礮子彈運保等費銀一千一百八兩八錢四毫四絲四忽

一購買測遠表準遠鏡電報費銀三十六兩一錢

一購買英國馬的生碰雷膽運腳等費銀一百六十兩八錢七分七釐一毫七絲

一購買電報機器運保等費銀二十兩四錢一分六釐六毫五絲

一購買皮紙運腳銀十兩三錢二分七釐三毫三絲

一購買鐵齒輪水腳銀五兩四錢八分

一購買測量機器運腳銀五十九兩一錢七分九釐一毫

一購買鐵管水龍運腳銀五兩二錢四分八釐

一購買樂具運費銀二兩七分三釐四絲

一合攏魚雷艇兩號物料運費銀一百四十兩三錢

一運送礮位雇用德國批納士輪船前半價銀七千五百三十三兩三

分六釐八毫三絲一忽

一德國批納士輪船運送軍火來津後半價銀八千四十八兩六

錢三分三釐五毫

一遣撤軍官兵乘輪船赴鄂水腳銀八萬三千三百十五兩五

錢一分三釐七毫

一慶軍援護朝鮮輪船水腳並各項用款銀一萬五千九百七十

三兩四錢一分六釐一毫五絲九忽

一出洋接帶快砲船隻華洋員弁兵丁舵水人等薪糧船價沿途

一切用費銀十萬五千七百三十四兩六錢九分三釐八毫三絲

忽

奏稿五十八

五

一江海關墊給地亞士洋行由上海轉運外洋購到礮位鎗枝軍

火等項水腳保險費銀九千一百八十九兩七錢四分二釐四毫

一絲

一軍械所拆卸裝運礮位軍火器械車船夫力銀三千五百五十

九兩五錢五分三釐三毫九絲

一訂購外洋礮位軍火器械電報費銀一千三百八十兩四錢二

分五釐七毫

一購買電綫橡皮運腳等費銀一千五十九兩九釐九毫一絲

一定購克鹿卜七生脫半過山礮塞門德士驗運保險等費銀八

千八百二十九兩二錢五分九釐九毫八絲七忽八微

以上各款應歸兵部核銷

開除采買及修製項下

一購買阿摩士莊廠新式快碰船兩隻我價銀二萬五千三百十八兩三錢二分六毫

一定造快馬小輪船一隻價銀九千兩

一製造洋鎗佩帶工料銀一千九十一兩五錢五分四釐

一購買那登費鋼礮子彈價銀一萬八千九百九十一兩二錢二分四釐九毫四絲三忽

一代神機營購買礮位車輛子彈鞍套等項先撥銀二萬兩

一購買英國馬的生碰雷膽價銀九百九十三兩三錢一釐六毫

三絲

一購買青鉛鎔造鉛箭鉛丸及製造木箱等項工料價銀七千一百九十六兩七分五釐八毫八絲

一購買皮紙價銀二千九百五十七兩九錢六分七釐九絲

一購買二十四生脫礮位並各種子彈價銀五萬九千三百五十九兩三錢五分二釐

秦橋五十八

一購買毛瑟鎗子盒皮帶價銀一萬八千七百四十二兩四錢九分一釐七毫

一續購燐銅魚雷定價銀六萬一千三百八十八兩五錢三分

一定購克鹿卜七生脫半過山礮塞門德土價銀五萬六千八百十六兩九錢六分一釐六毫七絲三忽二微

一購買毛瑟鎗子銅壳銅帽鉛子紙底燧底價銀一萬五千七百三十八兩七錢八分六釐二毫

一雷購各種鎗礮子彈並魚雷造子機器魚雷艇等項我價銀六萬四千三百九十五兩七錢九分三釐六毫九忽

一購買電綫生橡皮我價銀四千一百六十七兩七錢二分三釐

六毫六絲

一購買測遠表準遠鏡價銀三百四十五兩一錢五分

一購買電報機器價銀一百五十一兩八錢四分六釐一毫二絲

一購買紀限儀價銀五十三兩九錢三釐三毫一絲

一購辦魚雷橋埠價銀五千四百五十七兩二錢八分一釐

一購買鐵齒輪價銀二百十三兩五錢三分二釐七毫

一購買樂具價銀三百九十九兩八錢五分四釐六毫六絲

一購買測量機器價銀一千一百九十九兩三錢二分一釐九毫

一購買鐵管水龍價銀四百六兩

一北洋水師各船艇燒用煤斤價銀三萬八千五百三十九兩四

錢一分七毫四絲

奏稿五十八

五

錢六分四釐六毫

一挖海機器船購用繩索羊絨牛油夫工煤炸等項價銀二千七

百五十六兩三錢二分

一建築旅順口黃金山頂礮臺并築壩開井修路建屋等工銀十

五萬五千六百六十八兩八錢三分六釐二毫

一建造大沽修船木塢及做工房屋圍牆等項我領經費並購買

機器價銀七萬九千一百二十七兩六錢七分五釐九毫

一建蓋水師學堂我領公費銀一萬二千三百四十四兩六錢七釐

三毫六絲九忽

一超勇等六船製配物件及領用料物並超場威遠鎮中鎮邊等

船製辦各項號衣皮衣價銀一萬一千八百二十五兩九錢二分

八釐

一鎮中等兩船製配物件及領用料物價銀四千一百七兩三錢二分三釐

一大沽船陽修理兵輪各船并製造小輪船及各項船隻經費銀十七萬九千八百六十四兩五錢五分

一製造黃龍旗及各國旗幟工料銀七百二兩七錢四分三釐二絲

一製造大沽水雷營弁兵勇丁號衣帽戰靴等項價銀一千四百三十九兩五錢四分一釐五毫

一撥行營製造局仿造呔啫士得鎗子及格林礮子彈經費銀四萬六千三百八十八兩六錢三分三釐六毫

一刊刷毛瑟兵鎗圖說工料銀一百三十七兩一錢二分五釐六毫五絲六忽

奏稿五十八

三六

一造暗輪包銅皮小輪船二隻我發工料銀九千一百八十六兩九分七釐八毫

一製給派駐旅順口親兵皮襖工料銀七十兩四錢五分三釐四毫四絲

一製造頒賞各洋員寶星工料銀一百四十七兩五錢七分六釐八毫

一合攏魚雷艇兩號工料銀二千六百九十七兩三錢七分二釐以上各款應歸工部核銷

以上共開除銀一百六十三萬二百七十六兩八錢一分九釐六毫八絲九忽

實在項下

一應存銀一百六十九萬八千四百六十二兩二錢五分二釐六

毫一絲四忽一微已接支九年以後用項月行開報

奏稱五十八

三

奏稱五十八

營口礮臺工費片

光緒十二年十一月初四日

再營口爲奉天沿海緊要門戶前因口岸甚屬空虛海防毫無憑藉必須擇要修築礮臺以資扼守所需經費卽就山海關常稅加增盈餘按年截留應用經臣奏奉

諭旨允准欽遵在案當由升任山海關道續昌勘定東岸第二道標桿處所先行攔築土壩培墊營道以作底盤旋即購備料物雇募匠夫陸續興造計修築礮城一道長二百二十六丈二尺大小礮臺五座礮房八間兵房連房一百四十六間官廳五間廂房十間營官住房十三間軍械藥庫十間大營門一座角門二座照壁一座挑挖護城濠引濠各一道護城二處濠長一千六百十三丈二尺土圩一道長四百九丈八尺開門一座木吊橋三座并平整地面長一千二百丈土山一道長七百八十丈於光緒七年八

奏稿五十八

元

月二十五日動工至十二年七月初六日一律修竣據報升任關道續昌經營最久用銀十萬五千五百餘兩接署關道博多宏武奎訓任內用銀三萬三百餘兩現任關道廣蔭任內用銀二萬六百餘兩統其實用庫平銀十五萬六千五百兩其減平銀兩已遵例扣除經臣派委提督吳殿元前往驗收工堅料實丈尺閒數相符並經將軍慶裕查看亦稱一律堅實可資守禦查此項工程因營口濱臨海灘土鬆水急非排釘椿木加以三合灰土層層夯築不能經久且係仿照洋式與內地工程不同該道以無案可循因依臨榆縣做法例價核實支給至於常年歲修應俟籌定款項再行辦理據該關道廣蔭造具細數清冊繪圖取結詳請奏咨聲明尙有地營工程銷冊另行造齊送咨等情前來臣覆核並無浮濫除清冊圖結咨送工部外理合附片具陳伏乞

奏 聖鑒敕部核銷謹

奏稿五十八

完

停引展限復額摺 光緒十二年十一月初四日

奏為蘆綱各岸滯銷原停引目實難復額請照原案推展五年以恤商艱而保現課恭摺仰祈

聖鑒事竊照長蘆所屬直隸兩省引岸前於道光二十四年停引十萬道嗣後疊經

奏准推展五年光緒九年部議僅展三年至十二年底限滿經臣飭司預籌復額事宜旋據鹽運使李邦楨詳稱蘆課關繫餉需現值時艱帑絀但能加增一引即多一分入款斷不敢稍涉因循無如直隸各岸連遭災歉居民流徙銷數益滯且額設引目本多除提繳減停外尚有現行引六十六萬餘道從前併引加斤鹽包節次增重道光二十八年清查案內每引又加鹽一百五十斤其應交課款亦自一兩一二錢遞增至二兩數錢於是商累日甚雖疊

奏稿五十八

手

經運司竭力整頓查禁夾帶偷漏飭各州縣認真緝私嚴辦梟匪並由臣派撥練軍分駐協捕但民間日食有定餘鹽無處融銷是以光緒十年僅出庫引六十萬六千餘道十一年僅出庫引六十一萬七千餘道本年秋關將竣僅出庫引五十七萬七千餘道均未敷現行六十六萬餘道之數其出庫之引亦未能一律銷竣現查庫存歷年積引至六十七萬三千餘道舊引既難疏通新引無從增益且各商每屆須包賠未出庫積引之課今年又大水為災元氣斷難驟復若遽議復額再令包賠十萬道課帑商力必更難支勢將參懸相繼無裨實事有礙大局據綱商楊俊元等懇情稟懇推展該司詳加體察確係實情若僅展三年為期太迫請照原案再行推展五年俟限滿察看核辦等情具詳請奏前來臣查蘆綱現行引六十六萬餘道疊經設法疏銷每年仍積滯數萬道並

未能如數領運其勢實難再加然核計鹽包斤數及交納課帑銀數則較原額有增無減於公家尙無所損頻年連遭災歉今年又被大水銷數益滯商力極艱該司季邦楨謂邊議復額無裨實事有礙大局確係實情相應仰懇

天恩俯准將原停引十萬道自光緒十三年起仍照原案推展五年以恤商艱而保現課仍督飭運司認真設法整頓冀積引逐漸疏通理合恭摺具陳伏乞

皇太后

皇上聖鑒訓示謹

奏

嚴信厚郭澍滋獎敘片

光緒十二年十一月初四日

再前因豫省行銷蘆鹽之禹州等十六州縣懸岸整頓已著成效請將出力委員候選知府嚴信厚俟得缺後以道員補用提舉銜東河候補通判郭澍滋加四品頂戴奉

旨著照所請欽遵在案旋准吏部咨開據戶部檢查歷年銷鹽數目不甚懸殊但光緒四年以前查無嚴信厚綱運之據至郭澍滋冊造無名光緒九年奏定嚴核保舉章程凡地方應辦諸務不准請獎自應毋庸給獎等因茲據長蘆鹽運使李邦楨詳稱禹州等十六州縣引岸自參懸後招商無人始創辦官運初委河南候補道邵增試辦未幾該道病故即委嚴信厚接辦事屬創始是以光緒四年以前未將銜名報部郭澍滋係幫同嚴信厚辦理故冊內未列其名然皆實在任事之員並無冒濫其接辦時正值私硝徧

奏稿五十八

至

地歲荒民飢銷路奇滯幾於片引不售旋據廣集資本設法招徠嚴緝私梟力疏官引歷十餘年如一日綱運至二十萬引之多使積久懸岸逐漸規復有裨課食不少既經戶部查明運銷鹽數相符可見成效已著未便沒其勤勞定例各州縣一官能於奏銷前銷完一年引課准予議敘又川省開辦官運章程如承辦二年有效即奏請獎敘會將丁戊己庚四綱並接辦辛壬兩綱出力各員分次奏准給獎在案今該員等督辦懸岸除認運七處外已招集商人萬盛新等將禹州等九州縣包額認辦引課業經全完較一州縣全完一年引課者其勞績實過之而同治年間試辦迄今始將該二員奏請獎敘亦較川省官運二年一獎年分爲久銷數爲多該員等以候選候補人員督辦豫省懸岸既無地方之責亦非應辦之事竟能力任其難經理得法殊屬異常奮勉現仍委令

督運督銷若不准獎敘恐無以勸將來且該員等勞績在光緒九年部定嚴核保舉新章以前核與川省接辦辛壬兩綱勞績在新章以前准獎成案相符所請階銜亦未敢優異請覆奏前來臣查核無異仰懇

天恩准將該二員仍照原保給獎以示鼓勵理合附片具陳伏乞聖鑒訓示謹

奏

豫岸加價免增捐

光緒十二年十一月初四日

奏爲豫岸蘆商僅能照案歲繳榮工部款銀五萬兩勢難責令再增恭摺仰祈

聖鑒事竊前河南撫臣鹿傳霖奏請將豫岸蘆鹽加價每年原繳五萬兩者飭商繳納八萬兩以五萬仍補榮工部墊之款以三萬作爲豫省裕餉之款臣以商力艱窘不能於五萬兩外再增若必多繳三萬兩祇有暫加耗鹽每包二十斤以資津貼旋准戶部覆稱豫岸蘆鹽加價當時原係認繳銀八萬兩前以歲歉商疲減爲五萬兩係一時權宜之計今令交八萬兩僅符當年原認之數並非額外苛求所請每包加耗二十斤無庸置議儻該商仍前推諉應由豫省設卡抽收等因當經行司轉飭遵照並節次催辦據長蘆鹽運使李邦楨詳據南引商人潤代興等稟稱豫岸蘆鹽加價

奏稿五十八

五

本爲河防兵餉而設同治二年建議之初原請抽收包釐戶部軫恤鹺綱豫防流弊議照山西河東免釐成案每年撥解銀二萬兩同治五年以捻匪肆擾防餉不敷始變而爲加價之請前河南撫臣李鶴年原奏有實出不得已之苦心非樂爲聚斂以與商民爭利俟軍務平靖卽行停止等語部議並有河南食四省之鹽非皆蘆鹽口岸旁處鹽價輕減更有浸灌充斥之虞不可不防等語是加價本非河南所樂爲而於蘆綱有礙亦早邀戶部洞鑒嗣經商等以課本過重綱情疲累加價以後梟販益多官鹽更滯疊赴戶部都察院呈請停免加價均未邀准而豫省所定章程於龍王廟道口兩處委員稽查留難既妨運務復由行銷蘆鹽之五十二州縣按月飭查店帳分委催收且須領照銷照旬報月報層折甚多徒滋煩擾糜費不得已於同治七年呈請撫臣李鶴年每年策總

報效銀八萬兩將各廠委員裁撤其時若不認繳八萬兩則不允撤廠不撤廠則擾累不休商等實偪處此亦不容顧及日後之難繳也後因力不能支年年拖欠滿擬軍務平靖照原議停止又奉文改爲彌補河南榮工部墊之款經前督臣曾國藩與臣察看豫岸蘆商幾不自保兩次奏停戶部議令兩省會商將榮工加價或撥斤酌減徵收或別籌專款撥補蓋深知商情艱窘當時若兩省籌出另款以補榮工經費早將加價交款免去矣同治十年撫臣李鶴年仍欲稽查收解復奉部議此時引滯商疲循舊加價能否照數徵完不致有名無實應仍由臣體察情形會同妥籌辦法方可行之久遠並謂帑項未裕鹺務尤艱凡所以保課恤商歸於盡善者全在督撫和衷協濟庶兩有裨益不致再啟紛更等因商等當以兵燹之後災歉頻仍生鹽短絀價昂成本已增一倍南引運

奏稿五十八

五

路千餘里河道淺阻數易舟車腳價更重雖云加價於民其實民間避貴食賤並不能照加仍須由商包繳每年斷難繳至八萬兩請減爲四萬兩經臣飭令歲繳五萬兩咨商前河南撫臣錢鼎銘飭據該省藩司鹽道會議請就地稽收既有查催之繁又未能立見鉅款由長蘆按引攤收事甚簡便遂於同治十一年定議會奏並經戶部覆准在案此榮工加價核定五萬兩始末之實情而部議既有兩省會籌辦法保課恤商須歸盡善不致再啟紛更之語可知非一時權宜之計也至豫鹽每包加耗二十斤實緣例定加耗爲數本少長途盤剝傷耗過多每包約耗二三十斤至四十斤是以同治十三年奏准加耗二十斤尙不足抵其虧折迨後奉部改爲十斤前因加耗限滿商等恪遵部議未敢再行瀆請祇以河南於榮工五萬兩外又令添解三萬兩不得不仍請加耗以資津

貼非敢妄生希冀今者加耗之請既屬難行惟有仍懇照案每年交銀五萬兩近年應交正課疊奉嚴飭整頓從前完及八分者現須完至九分餘其歷屆勒限課款每年亦多完銀一二萬兩正課既欲其多交而額外交款又責令增益商力幾何能不顧此失彼與其將來參懸相繼無裨庫儲莫如及早據實陳明免貽後患況此項加價爲彌補漿工經費無論每年交項多寡總以完款爲斷如果商等力能多繳甚願早清積累免受追呼所以仍懇按五萬兩者不過目下喘息稍舒實非意圖取巧一俟部款歸清卽請將加價停止商等前曾聯名赴戶部籲懇代奏奉傳諭仍應由直奏咨辦理爲此公懇轉詳以維大局該司李邦楨確查所稟皆係實情現值各商疲累之際若再強以所難勢必參懸相繼正課虧缺請仍每年交銀五萬兩清年款不准絲毫拖欠將來漿工部款

奏稿五十八

五

歸完應否將此項加價停止再行察看核辦等情具詳請奏前來臣查賣鹽加價於民必有官不敵私之弊商人恐私鹽充斥且冀及早收回成本是以疊請將加價及交款停止今加價既難停止又強令加增必致滯銷擱本無利可圖從前尙有耗鹽貼補今則耗鹽不加每年仍交銀五萬兩已甚竭蹶若再責其增交三萬兩商力實不能支誠慮參懸相繼正課虧缺至欲豫省設卡抽收同治初年已試行有弊留難索擾必不能免不過徒苛累商民亦未必卽得五萬巨款既據眾商瀝誠籲懇並由運司查明屬實事關蘆綱大局庫款與商情必須兼顧誠如前次部議未便再啟紛更相應仰懇

天恩俯念豫岸蘆商殷實無多大半皆係疲累又值災歉頻仍情形艱窘准照同治十一年會奏定案每年仍繳漿工部款銀五萬

兩免再增交以期保全課運理合恭摺具陳伏乞
皇太后
皇上聖鑒訓示謹
奏

奏稿五十八

三

皇太后

奏

兩免再增交以期保全課運理合恭摺具陳伏乞

機器局報銷摺

光緒十二年十一月二十日

奏為天津機器局光緒十年分動用經費各款遵照新章造冊報銷恭摺仰祈

聖鑒事竊查天津機器局經費奏明動撥津海東海兩關四成洋稅暨由戶部月撥邊防餉銀一萬兩截至光緒九年分止業將支銷款目遵照部定新章造冊奏報經部核覆准銷並將十年分添購機器等款分別咨部立案其九年分籌備海防已經動用未結銀兩查照部議劃分年限流歸十年分造報並經奏明在案茲據該局司道沈保靖等督同承辦局員將十年應行造銷之冊分晰開報計上屆存銀九萬七千一百六十九兩零本屆連閏十三箇月共收洋稅部餉銀三十六萬九千兩各省撥還銀二萬九千六十七兩零共用銀四十五萬四千四百六十八兩零實存銀四萬

奏稿五十八

美

七百六十八兩零其閒動用各款各冊造銷計全案收支總數及員弁司事工匠夫役人等薪工銀兩為第一冊購辦器料續建工程及核付保險運腳等項銀兩為第二冊收支物料分項造報用存物料作為十一年分舊管為第三冊製成軍火撥發各項為第四冊外撥各船薪糧物料及行營製造局用料為第五冊神機營撥用器料前以未能截數議明自習藝官兵回京後彙總造報為第六冊其製成軍火一項歷屆造冊呈送總理各國事務衙門備查茲仍循舊造報蓋十年分值法兵構釁屢次聲言北犯北洋海口林立逐處戒嚴撥用軍火繁鉅其各省各撥者亦較往年多至數倍不得不倍數趕造並添購大批物料如銅鐵鋼鉛漆油煤炭木植等類俾資接濟自七月閒閩省馬尾開仗催造調撥益形嚴緊各廠皆添做夜工冬令封河以前須預購儲各種外洋物

料以免缺之且有九年分流歸造報之項其所成機器廠迪東之新瀛房一座迪南水雷鍋爐廠一座皆流歸十年分造報是以用款加增凡遇軍務緊急之年用數必更加多歷經各部有案至製造各項器物皆仿洋式難以例價相繩循照歷屆章程實用實銷並無絲毫浮冒詳請具奏核銷前來臣查部議各省機器局造冊報銷無非實事求是互相考校現查該局所呈各冊臣覆加確核委係核實動支並無虛飾北洋海防關繫重要疊奉

諭旨

寄諭整頓擴充歷久不懈並創辦水師籌集巨款續添船礮認真練習力求精進等因是軍火取用必多其外省各路請撥者統計還價無幾皆由津局竭力應付今戶部已奏請將月領部款停止而一切製造僅指津東兩關四成洋稅且值稅收不旺局款短絀

奏稿五十八

完

甚鉅殊覺力難爲繼容再督飭局員籌議核辦除將清冊分送總理衙門並戶兵工三部查照核銷外所有天津機器局光緒十年分動用經費造冊報銷緣由理合恭摺具陳伏乞

皇太后

皇上聖鑒謹

奏

藩庫勻撥鎗價片

光緒十二年十一月二十日

再前因廣東撥給北洋毛瑟鎗應還部墊價銀七萬一千七百餘兩戶部於直隸應領部庫練軍月餉內扣抵臣以軍食勢難短缺不得已飭藩庫於地丁項下照數撥交練餉局散放卽由藩庫作正開銷鎗價奏明在案旋准戶部咨開前項鎗價應仍由練餉內扣抵無庸動撥地丁且練餉存數尙不下四十餘萬兩卽除去鎗價七萬一千七百餘兩亦不致有誤軍食等因當經轉飭練餉局並藩司核議去後茲據該司局詳稱練餉局每月收支各款專恃部餉及江海關協餉部餉歷蒙按月撥足而江海關協餉積欠兩年有餘數至七十餘萬兩來源枯竭岌岌難支部議謂練餉報銷每屆存銀不下四十餘萬兩係就從前存數而言近已陸續動撥所存者不敷兩月放餉之用是以前項鎗價戶部旣於練軍應領

奏稿五十八

早

月餉內扣抵祇可在本省設法於藩庫通融勻濟從前局庫稍有盈餘凡藩庫應撥河工賑撫要款往往於練餉內滙注誠以藩局同屬地方公款但能酌盈劑虛曷敢稍分畛域今因蘇餉欠解過多局庫支絀已詳請停撥工賑卽練軍待用洋鎗礮子彈各件亦暫行停購蓋練軍爲

畿輔防衛之師餉項實軍士命脈斷不能一日缺乏也夫工賑要款猶請停撥則存款之不足可知練軍待用鎗礮尙須停購則前項鎗價之難籌可知藩庫雖亦拮据而該關計口授食要需不得不移緩就急暫行勉力兼顧前已照數撥支各軍月餉應請仍照原奏由司作正開銷毋庸再由練餉局撥還藩庫等情具詳前來臣查該司局所詳係屬實情此就本省各庫通融勻撥於款項並無轉軫更與月請他省協濟不同自應仍照原奏辦理所有前由

藩庫勻撥鎗價無庸再由練餉撥還緣由理合附片具陳伏乞
聖鑒敕部查照謹
奏

奏稿五十八

單

海防用款清單摺

光緒十二年十二月初三日

奏為光緒十年北洋海防用款應行立案者先開簡明清單奏報
隨後造冊請銷恭摺仰祈

聖鑒事竊查光緒元年六月總理各國事務衙門會同戶部議撥
南北洋海防經費奏明由督辦大臣將用款數目咨報總理衙門
及戶部查核原以籌辦海防事屬創始一切用款皆無例案可循
亦非他項軍需可比是以僅令將用款數目咨報嗣於八年十一
月戶部議奏各省購買輪船機器外洋鎗礮電綫等件既無定例
可循部中無憑稽核其添購各項經費若干雖不能限以定數亦
當立有範圍事前奏明報部立案事後方准核銷並定戶兵工三
部分銷章程當以立案之意必部中無案者始行奏咨以備核銷
時有所稽考其曾經報部有案及常年照章支用各款毋庸再行

奏稿五十八

呈

立案至立案與報銷辦法不同報銷須將用款逐項詳細開列立
案則祇須簡明總數北洋海防取法泰西諸國凡購一物製一器
必先訪各國新式詳細審察方始定議其價值務求核實節省所
用員弁人等則幾經遴選試驗以期人與事宜薪糧工料等項視
其才質高下物用精麤然後斟酌核定惟頭緒太多鉤稽匪易擬
每屆一年將應行立案各款彙開簡明清單奏咨一次庶辦理可
期簡易而稽核亦有據依仍於部章立有範圍之意照合前已奏
明在案所有光緒元年至六年用款現甫奉部准銷七八兩年用
款亦經造冊奏咨核銷並已將九年分用款立案茲查十年自正
月起至十二月底止經支北洋海防經費除舊有各船艇原支薪
糧煤斤水手號衣旗幟水師學堂行營製造局常年經費華洋文
武員弁兵丁水雷營弁勇人等薪餉糧乾暨一切照章支用款項

九年以前報部有案均無庸再行開報外其采買製造並新添各船艇薪公及原有各船添募員弁人等薪糧暨一切新支用款自應按款摘開總數仍分爲養船采買修造薪糧雜支五項彙列簡明清單先行奏咨立案飭據海防支應局司道開明具詳前來臣查光緒十年分正值法人肇衅海防戒嚴北洋爲

京師門戶沿海千餘里疊奉

諭旨嚴密防範趕辦臺牆營壘庫廠增購大小船艇軍火器械應付工料價值等項及舟車轉運之費均屬必不可少加以添練水雷魚雷各營雇募洋將教習故用款較往年爲多然皆力求樽節並無絲毫浮濫所有各款詳細數目並各案緣由統俟造冊報銷時再行分晰聲敘其有零星用款未便瑣屑立案者亦俟造送銷冊時再行併報除將清單分咨總理各國事務衙門並戶兵工部

奏稿五十八

呈

外理合恭摺具陳伏乞

皇太后

皇上聖鑒謹

奏

船塢酌定工價片

光緒十二年十二月初三日

再前因北洋兵輪日增每有損壞須赴閩滬各廠修理程途寫遠往返需時設遇有事之秋尤難剋期猝辦經飭前津海關道鄭藻如會同稅務司德瑾琳在大沽口內選購民地建造木船塢一所自光緒六年正月開工至十月告竣疊次修理兵船妥速如法即往來各木壳淺水輪船能進口者無論工程大小均可隨時修整殊與水師有裨已於光緒七年八月附片奏明在案所有船塢洋教習並員弁工匠人等薪工經費前係核入修船費內彙總開報嗣因工與料併稽核為難遂將各項工匠酌定名數工價其教習文案繪圖繙譯收發稽查監工等事分派員弁司事各專責成酌定員名薪水工食自光緒十一年正月起按月給領如遇工程緊急連夜趕做應加增夜工所有短雇小工亦視工程之多寡酌量

奏稿五十八

器

雇募故月需經費仍難預計確數大約每月以四千四百兩為率在於北洋防費內動支前准海軍衙門行查北洋經費支用款項業飭海防支應局將十一年十二月分支發此項經費員名銀數彙冊咨報至隨時購用中外料件另行摺節核實動支彙案造報不在月領額款之內自酌定工費以後該陽每遇修造船隻祇給料價不給工價工料既不牽混稽核較易用費亦較節省核與開創之初辦理更為得法於修理淺水兵船緩急可恃除將員弁司事工匠學徒夫役人等員名薪工公費等項銀兩數目開具清單分咨海軍衙門總理衙門戶部工部查照嗣後如有增減隨時咨報外理合附片陳明伏乞

聖鑒敕部立案謹

奏

旅順電綫片

光緒十二年十二月初三日

再前因大沽北塘至山海關直達奉天之營口旅順俱係北洋沿海扼要之區水陸各軍分駐防守距津篤遠非設立電綫無以速調度而赴戎機惟陸路二千餘里需費甚鉅先將北塘至山海關一帶電綫開辦並接做蘆臺樂亭昌黎各防營支綫嗣因營口旅順口分駐各軍築臺扼守將領文報動逾旬月恐誤事機疊經總理衙門電催設綫以通軍報並欽奉

諭旨速辦等因復設法籌款由山海關接做至旅順口其閒錦州營口金州等處防營消息亦即靈通業於光緒十年四月八月奏明在案惟電工告成之後各處測量電氣管值電報繙譯電碼分送電信以及按段巡修工匠均須經理得人尤賴委員司事不分晝夜認真督率方免貽誤是以在天津府城設立官電總局專司

奏稿五十八

呈

稽查並在紫竹林大沽北塘小站蘆臺昌黎樂亭永平山海關及奉天之錦州營口金州旅順口凡綫路所經者擇要設立分局視事務之繁簡地段之長短將委員司事並測量值報繙譯各生暨巡綫工匠送報夫役辛工油燭紙張房租等項酌定數目核實開支計自天津至旅順口總局一處分局報房棧房十四處並一路巡綫各費在內每月共應支經費銀一千四百六十七兩自光緒十年十二月分起仍在北洋海防經費項下給領此外尚有歲修及隨時添製物件並需用川資一切均難預定不在月支經費之內自應隨時樽節核實動支彙案造報前准海軍衙門行查北洋支用款項業飭海防支應局將此項月支經費彙冊咨明除總分各局員名薪餉月支經費各數開具詳細清摺咨海軍衙門總理衙門戶部工部查照嗣後如有增減再行咨報外理合附片陳

明伏乞
聖鑒敕部立案謹
奏

奏稿五十八

吳

蠶池教堂獎敘片

光緒十二年十二月初三日

再蠶池口教堂遷移一案欽奉十一月初八日

上諭其餘出力之英商宓克等著李鴻章查明奏請獎勵等因欽此適臣奏派原訂合同之津海關稅務司德瑾琳赴京偕同教士樊國樑等踏勘西什庫地方稟商總理衙門申畫界址交付地基大致均已妥洽該稅司回津後復稟稱一年以來隨同辦理此事之中外各員竭誠贊畫經費經營俾二十餘年屢議未成之件幸得就範非尋常洋務交涉勞勩可比開具清單籲懇優獎前來查有候選道伍廷芳四品銜儘先選用直隸州知州胡灤五品銜江蘇試用縣丞陳佩璋縣丞銜陳保泰監生薛鑑清均幫同德瑾琳敦約翰等出謀發慮勸合機宜伍廷芳擬請

賞給二品銜胡灤擬請以知府儘先選用陳佩璋擬請以知縣仍

奏稿五十八

覽

留原省補用陳保泰擬請以縣丞儘先選用薛鑑清擬請以巡檢儘先選用此係異常勞績可否出自

特恩俯准敕部註冊施行至英商宓克在京創議派人赴羅馬商辦輸誠效命擬請

賞給三等第三寶星以示激勸所有遵查請獎緣由理合附片具陳伏乞

聖鑒訓示謹

奏

淮軍軍需報銷摺

光緒十二年十二月十六日

奏爲光緒十一年分淮軍收支款目列爲第十四案造冊報銷結單恭摺仰祈

聖鑒事竊照淮軍收支款項業經截至光緒十年十二月底止列爲第十三案報銷於十一年十二月十三日具奏奉

旨該部知道單併發欽此並經造冊送部接准部覆按冊核銷在案伏查十一年分淮軍分駐直隸沿海各口要區並奉天旅順口其原部馬步水師四十營又先駐朝鮮續經調紮旅順口之親慶六營月編護軍副營一營又因海防喫緊十年分遵

旨添募津勝盛仁拱衛新軍十九營十一年裁遣酌留並護運餉械弁勇統歸淮軍案內造冊彙總請銷今自十一年正月起截至是年十二月底止列爲淮軍第十四案所有營哨官弁員名勇夫

奏稿五十八

吳

開收總數征防處所已造冊分咨軍機處暨戶兵工部備查又將支給正雜款項裁留數目遵照新章每三箇月開報一次咨送各部查核其馬步水師各營並隨營辦事支應等差文武官弁親兵勇夫薪費口糧倒補馬匹柴薪車價駝騾喂養卹賞水陸轉運價腳夫工采製軍裝器械油艫船隻經費正雜各款均循前案楚軍營制與

奏稿五十九

奏定章程准銷例案分別截清起止概按湘平折實庫平接續造報飭據淮軍報銷局司道逐款清釐查核計舊管銀一百一萬二千四百餘兩新收銀二百九十五萬四千三百餘兩除登除及附銷外開除正雜各款遵照部議酌定軍需報銷章程各歸各部核銷計應歸戶部核銷銀二百三十二萬九千三百九十二兩九錢有奇應歸兵部核銷銀六萬九百一十二兩四錢有奇應歸工部

核銷銀七萬八千二百六十兩八錢有奇統共請銷銀二百四十六萬八千五百七十六兩二錢有奇應存銀一百八萬三千九百六十八兩八錢有奇已接支十二年正月起淮軍馬步水師營哨正雜餉項並購製軍火器械工價預儲軍米等用歸於後案舊管項下滾接造報等情具詳請

奏前來臣查淮軍分駐直隸津沽至山海關各海口並調親慶護軍等營分紮奉天旅順口東西兩岸均已修築礮臺晝夜駐守仿照西法練習後膛鎗礮

畿輔沿海千餘里根本重地稍壯聲威並備朝鮮有事援應之助歷屆報銷案內截存銀兩皆係竭力設法節縮並將月餉酌量緩欠現計欠餉至一百六十餘萬兩若以截存銀兩抵補尚多不敷特以近畿海防關繫重大軍情緩急無定不得不稍留餘地以備

奏稿五十八

聖

急需各省應解准餉逐漸減少存款已逐漸動放惟有隨時諄催籌解冀免遇事束手所有造報光緒十一年正雜款項均係循照應辦成案撙節支發實用實銷並無絲毫浮冒除將收支各款分造細冊咨送各部核銷並飭將以後用款接續清釐造報外理合專摺具陳並繕簡明清單恭呈

御覽伏乞

皇太后

皇上聖鑒謹

奏

軍需交涉洋務片 光緒十二年十二月十六日

再准軍各營洋鎗礮隊教習人等辛工礮費輪船薪糧並購買外洋軍火價值運解礮火輪船水腳及天津行營機器製造局委員人等薪糧公費工匠工食料物購價等項多與洋人交涉均屬無例可循至操練後膛洋礮拉礮車馬喂養夫工係照

奏明章程同例補馬匹例價分別核實支給業將截至光緒十年十二月底止用款附片

奏銷在案此次造報光緒十一年正月起截至是年十二月底止第十四案內前項各款遵照新章將增裁支用數目彙入季報清冊先後咨部茲據該司道等按款復加查核係照定章接續支給並奉文飭發均無浮冒遵飭各歸各部核銷計應歸戶部核銷教習人等薪糧公費匠工拉礮馱運車馬喂養等銀十萬九千六百

奏稿五十八

辛

四十兩八錢有奇應歸兵部核銷輪船薪糧夫工船價運腳保險費倒補馬價等銀二萬八千二百八十三兩七錢有奇應歸工部核銷油飾小修礮費購製外洋軍火料物價值等銀九萬二千六百二十六兩四錢有奇共計請銷銀二十三萬五百五十一兩有奇照案分晰另造支銷細冊詳請附

奏前來臣查前項各營洋鎗礮隊教習通事工匠人等辛工購買物料洋軍火價值運腳各款多與洋人交涉無例可循仍應查照歷屆成案據實請銷除將細冊咨送總理衙門戶兵工部核銷外伏乞

聖鑒謹附片具

淮軍水師報銷片

光緒十二年十二月十六日

再水師營哨釘造修整各船用款自光緒九年起改歸淮軍餉內
動撥造報前經臣分別酌定修造年限經費數目奏明在案嗣准
工部咨令前項用款專案造報當經轉行遵照並將光緒十一年
淮軍案內屆修水師親兵中營師船三十二號按照奏定銀數飭
給修費先行列入季冊報部茲據淮軍報銷局司道將用過前項
經費湘折庫平銀二千五百八兩九錢有奇詳請具

奏前來臣覆核無異除將送到清冊分咨戶工部查照核銷外伏

乞

聖鑒謹附片具

奏

冬賑銀米數目片

光緒十二年十二月十六日

再本屆災案前由直撥給順屬賑銀三萬兩又先撥通州潮白河
工撫銀四萬三千六百兩武清縣急撫米三千五百石棉衣三千
件文安縣冬撫銀四千兩武清寶坻兩縣工撫米一千石銀二百
六十兩京廣仁堂棉衣一千件其直屬急撫項下撥給安州銀四
千兩高陽縣銀三百兩獻縣銀一千兩盧龍縣銀二千兩米二百
石冬賑項下撥給安州銀六千兩米六千石棉衣二千五百件高
陽縣銀三千兩棉衣五百件雄縣銀四千兩米四千石棉衣一千
件清苑縣銀二千兩工撫米五百石棉衣三千九百件蠡縣銀一
千五百兩工撫銀五千兩安平縣銀二千兩深澤縣銀七百兩容
城縣銀三百兩天津縣米八千石棉衣四千件靜海縣米三千五
百石銀五百兩棉衣二千件又捐款銀六百六十兩青縣銀一千

奏稿五十八

五

五百兩滄州米一千石棉衣二千件鹽山縣米一千石河間縣米
四千石獻縣銀三千兩任邱縣銀二千兩吳橋縣銀六百兩遷安
縣米三千五百石盧龍縣銀一萬五百兩棉衣六千件灤州銀一
萬五千三百兩津錢二千六百六十六串零昌黎縣銀一千兩樂
亭縣銀一千五百兩豐潤縣銀四千兩棉衣三千件玉田縣米五
千三百五十七石保定省城棉衣八千件又省城米廠采買米石
及經費銀一萬一百兩零天津粥廠采買米石銀一萬六千九百
二兩賑局置辦棉衣褲銀一萬三千三百四十兩津錢三百十五
串修建各處粥廠等項銀二千五百兩津錢一萬八千一百六十
六串零武清縣北運河工撫銀三千七百五十兩河間縣子牙河
工撫銀三千九百九十六兩零交河縣南運河工撫銀三百二十
兩零天津縣霍家黃工撫津錢八百四十二串零銀二百六十一

兩零天津武清鳳河工撫津錢三千二百四十二串零銀三百兩
米八百石津郡粥廠棉衣一萬四千件又道員金福會浙紳施則
敬分赴寶坻等處放賑銀三萬七千兩棉衣五千件以上共發銀
二十三萬八千六百九十兩零津錢二萬五千二百三十三串零
米四萬二千三百五十七石棉衣五萬五千九百件係截至十一
月底止所有發過各屬急撫冬賑工撫銀米錢衣數目理合附片
陳明伏乞

聖鑒謹
奏

李文忠公奏稿卷五十八

